



Za stečaj su zrela dva rudnika

Ministar industrije i energetike u FBiH nezadovoljan je stanjem u Elektroprivredi BiH

Razgovarao: **ERNAD METAJ**

Prema procjenama ministra industrije i energetike FBiH Nermina Džindića, u narednom periodu još nekoliko firmi nad kojima nadzor i monitoring vrši federalna Vlada trebalo bi ići u stečaj.

- Postoji jedan broj firmi u kojima su ispunjeni svi uslovi za stečaj, a ponavljam da stečaj nije likvidacija. Stečaj može biti i proces oporavka uz čišćenje onih dijelova firme koji su godinama sistematski uništavani. Po mom mišljenju, u stečaj bi trebala odmah dva rudnika, istakao je Džindić.

Iako ministar nije bio voljan reći o kojim rudnicima je riječ, Oslobođenje raspolaže podacima da se ovo prije svega odnosi na rudnik Zenica. Prema tim podacima, iz redovnog poslovanja ovaj rudnik teško može podmiriti neto obaveze prema radnicima. Teška situacija je i s rudnikom Nova Bila kod Travnika.

- Ljudi koji vode firme s poteškoćama u poslovanju nekad nisu svjesni svoje odgovornosti, od obaveze isplate plaća s doprinosima pa dalje, kaže Džindić.

Kada je riječ o njegovom resoru, ministar ne krije kako ne može biti zadovoljan radom Elektroprivrede BiH, gdje bi se određenim mjerama moglo unaprijediti poslovanje. / STR. 6. i 7.



Vijećnica je spaljena 1992, a obnovljena 2014. godine

Simbol obnove i povjerenja

Jučer je obilježen tužni jubilej - 25 godina od paljenja Vijećnice - Nacionalne i univerzitetske biblioteke BiH

Piše: **ANGELINA ŠIMIĆ**

Paljenje objekta i slika knjiga koje nestaju u plamenu, Vijećnicu su učinili evropskim simbolom urbicida i kulturocida 20. stoljeća, a njena obnova postavlja temelje za percipiranje objekta kao simbola obnove

i povjerenja, kazao je jučer upravo u zgradi Vijećnice ministar civilnih poslova BiH Adil Osmanović na obilježavanju 25. godine od granatiranja i paljenja Vijećnice - Nacionalne i univerzitetske biblioteke BiH.

Prema UNESCO-ovim zvaničnim podacima, nepovratno je uništeno 90 posto fundusa od približno tri milijuna bibliotečkih jedinica.

Za NUBBiH, koji je preživio i granatiranje i paljenje i

nehumane uvjete rada i bez redovnih izvora prihoda, njegov direktor dr. Ismet Ovčina kazat će da je opstao za dobrobit svojih korisnika, kulturne i akademske zajednice BiH. / STR. 2. i 3.



0 pogledi

Lana želi izložbu u Sarajevu

Povedi računa o tome da valjano i čestito rukovodiš

Navijajmo za naše i usput za Belgijance

0 pogledi

Institut za istoriju u privremenom boravku

STR. 22. i 23.

Da li je Hamdija Pozderac žrtva zavjere?

STR. 24. i 25.

Pozadina nasilja u Charlottesvilleu

STR. 27.

Djeca sarajevskog MESS-a u Dubrovniku

STR. 28. i 29.

DANI IZNAD SVIH

OZBILJAN POSAO ZAHTIJEVA ODGOVORNOST

Novi broj u prodaji od 25. augusta





Savez sindikata RS-a: Moguće donošenje i novog zakona / GORDANA KATANA

Sarađuju mafija i politika, moramo i mi

Savez sindikata RS-a 25. godinu rada dočeka pod pokušajima političkih pritisaka, ali i onih od poslodavaca, ustvrdila je jučer predsjednica SSRS-a Ranka Mišić

Savez sindikata Republike Srpske (SSRS) 25 godina rada obilježio je konferencijom Pozicija kolektivnog pregovaranja u radnom zakonodavstvu u zemljama regiona - stanje i perspektive.

- Kao što se regionalno povezuju političari, kapital, pa i mafija, tako je jednako potrebno povezivanje sindikata, jer je borba za radnička prava uvijek jednaka i zasnovana na istim interesima, poručila je predsjednica SSRS-a Ranka Mišić jučer u Banjoj Luci.

Izvršenje naredbi

Kao najbolji primjer za to, navela je slučaj Agrokor u kojem su se, kako je kazala, na regionalnom nivou vodili pregovori kako spasiti "Ivicu Todorica, dobavljače, a da se pritom uopšte nije govorilo šta će biti s radnicima te kompanije".

U septembru počinju analize dosadašnje provedbe Zakona o radu RS-a, potvrdila je pomoćnica ministra rada Mira Vasić

Mišić je ustvrdila da je SSRS 25. godinu djelovanja dočeka pod strašnim pokušajima pritiska kako politike, tako i poslodavaca, te da se od radnika očekuje da bespogovorno izvršavaju naredbe, ne tražeći pritom nikakva prava.

Podsjetila je da ni 20 mjeseci od stupanja na snagu Zakona o radu RS-a još nije postignut dogovor između socijalnih partnera koji bi rezultirao potpisivanjem opšteg kolektivnog ugovora, te da većina grana i dalje nema potpisane granske ugovore. Pozvala je socijalne partnere, Vladu i poslodavce, da se što prije vrate za pregovarački stol, kako bi konačno

došlo do potpisivanja tih ugovora. Izrazila je i nezadovoljstvo činjenicom da je Zakon o radu RS-a granske kolektivne ugovore izjednačio u pravnoj snazi s Pravilnikom o radu i ustvrdila da je ta odredba suprotna Ustavu RS-a.

- Mi smo Zakon o radu dobili pod pritiskom kako bi se realizovao kreditni aranžman s Međunarodnim monetarnim fondom i krenulo u provođenje Reformske agende. Sada svjedočimo da Reformska agenda nije donijela najavljeni ekonomski procvat. Stoga će analiza učinka ZOR-a, koju ćemo u septembru početi zajedno s Vladom i poslodavcima na osnovu naše analize, pokazati da se Zakon mora korjenito mijenjati, ako ne i prići donošenju novog, naglasila je predsjednica SSRS-a.

Poslodavci žele dijalog

Dejan Mijić, potpredsjednik Unije udruženja poslodavaca RS-a, kazao je da su poslodavci u realnom sektoru shvatili značaj zadovoljnih radnika, te da poštuju takozvane tri sindikalne osmice, kao temeljna prava radnika. Naveo je da su uslovi poslovanja realnog sektora u BiH veoma teški, ali da se bez obzira na to poslodavci zalažu za konstruktivan dijalog sa sindikatima.

- Kolektivno pregovaranje zbog čvrstih stavova i poslodavaca i sindikata nije bilo dobro, ali sam uvjeren da se kroz dijalog mogu naći rješenja od interesa i za jednu i za drugu stranu, rekao je Mijić.

Pomoćnica ministra rada RS-a Mira Vasić potvrdila je da će od septembra početi analize dosadašnje provedbe ZOR-a koje će se obaviti u osam gradova Srpske. Ustvrdila je da je sa staništa Vlade ZOR dao dosta pozitivnih efekata, prije svega u smanjenju rada na crno i efikasnosti rada kontrolnih organa. Kao netačne odbila je navode radnika da se odredbe Zakona u velikoj mjeri krše u javnim preduzećima. GORDANA KATANA

Sjećanje na dan u k

Uz 25 godina od granatiranja Vijećnice, Ovčina i Osmanović ističu potrebu rješavanja statusa NUB-a, dok se Sarajlije prisjećaju vatre koja je gutala gradsku kuću

Piše: ANGELINA ŠIMIĆ



Godišnjica od granatiranja biblioteke Vijećnice / DIDIER TORCHE

Nakon 25 godina Kemal Cacan, sada rukovodilac spasilačko-vatrogasne službe na Međunarodnom aerodromu Sarajevo, prvi je put jučer ušao u zgradu Vijećnice, u zgradu u kojoj je tog 25. augusta 1992. godine spašavao sa svojim kolegama od vatrene stihije i objekat i knjižni fond Nacionalne i univerzitetske biblioteke BiH, gdje je primio na tom skromnom obilježavanju tužnog jubileja i zahvalnicu NUB-a BiH i preuzeo i onu za Profesionalnu vatrogasnu jedinicu Kantonalne uprave Civilne zaštite.

"Ovdje je prije 25 godina bio, ono što se kaže, pakao", bila je prva rečenica koju je izgovorio Kemal Cacan, svjedok stravičnog inferna i sudionik u gašenju vatre koja je gutala Vijećnicu,

evocirajući sjećanje na dan kada je hram knjige gorio, zorno predočavajući prisutnima situaciju u kojoj su se našli oni koji su se neprekidno, i to više od 18 sati, borili protiv vatrene stihije i sve one otežavajuće okolnosti u kojima su se našli.

Uništen fondus

Prisjetivši se s pijetetom kolega koji su tragično stradali u ratu tokom

I pored apokaliptičnog razaranja, Biblioteka baštini najdragocjenije primjerke bh. riznice: rukopise, inkunabule...



Zahvalnica Omeru Šetiću

opsade Sarajeva, članova NUB-a BiH Aide Buturović, Adele Leote, Mirka Azinovića i Ante Kovačića, direktor NUB-a dr. Ismet Ovčina kazao je da su u proteklih 25 godina o danu kada su gorjele knjige, o granatiranju i paljenju ove kulturne ustanove, objavljene brojne reportaže, snimci, članci, eseji, pa i znanstvene publikacije.

Podsjećajući da je nadljudskim naporima vatrogasaca, zaposlenika NUB-a BiH i građana Sarajeva, spašeno što se spasiti moglo, kazao je i da je "prema UNESCO-ovim zvaničnim podacima, plamenom nepovratno uništeno 90 posto fundusa od približno tri milijuna bibliotečkih jedinica kojim je raspolagala ova biblioteka".

Iznad Drežnice i dalje gor

Jedan od jučerašnjih požara izazvao je i voz koji saobraća na relaciji Sarajevo - Mostar, ali je on pravovremenom reakcijom vatrogasaca ugašen oko 11.30 sati

Na nepristupačnom terenu padina Čvrstnice iznad naselja Drežnica (sjeverno od Mostara) i jučer je gorjela šuma munike i bukve. Požar se i dalje širio u dva pravca, prema Velikoj borovoj glavi i Posušju, dok helikopter OSBiH koji je bio na remontu, jučer nije bio u mogućnosti djelovati iznad ovog požarišta. Od jutra su na izletištim Rujište i Goranci kod Mostara gorjeli trava i nisko rastinje.

Isključenje struje

Gorjelo je i u Čalićima, u Čitluku, gdje je vatra prijetila obližnjim vinogradima, doku Čapljini, srećom,

posljednja dva dana nema aktivnih požara.

U jutarnjim satima radnici Šumarstva Prenj iz Konjica dojavili su da je voz koji saobraća na relaciji Sarajevo - Mostar prouzrokovao požar pored pruge, u blizini sjedišta pomenute firme. Da bi se pristupilo gašenju, prethodno je bilo potrebno isključiti električnu energiju koja je prolazila željezničkom prugom. Požar koji je zahvatio oko stotinu kvadratnih metara šiblja i niskog rastinje, ugašen je oko 11.30 sati, potvrđeno je iz Civilne zaštite HNK-a.

U gašenju u Donjem Selu, također u općini Konjic, učestvovalo je

oko 60 pripadnika Federalne uprave Civilne zaštite, Profesionalne vatrogasne jedinice Kantona Sarajevo, kompletna Profesionalna vatrogasna brigada Konjic, pripadnici Civilne zaštite iz Konjica, te radnici Šumarstva. Prilikom gašenja primijećena je NN osoba koja je namjerno

U HNK-u tokom proteklih 48 sati zabilježeno je još dvadesetak požara koji su ugašeni


kojem su gorjele knjige

Ono što je spašeno, dakle, 10 procenata knjižnog fonda, ostaci ratnih stradanja, bilo je osnova za ono što Biblioteka danas jeste. Obnova zgrade je trajala više od desetljeća i svečano je otvorena prije tri godine, a Ovčina je podsjetio i na to da NUBBiH nije uselio u nekadašnji dom, te da je održavanje jučerašnjeg skupa organizirano po odobrenju Uprave Grada Sarajeva.

“I pored apokaliptičnog razaranja, Biblioteka baštini najdragocjenije primjerke bh. riznice: rukopise, inkunabule, raritete, grafičku i kartografsku zbirku, čije je očuvanje ponos, ali i golema odgovornost Nacionalne i univerzitetske biblioteke Bosne i Hercegovine”, naglasio je dr. Ovčina, kao i to da neriješeno pitanje pravno-financijskog statusa otežava redovan rad NUB-u BiH.

Istaknuo je da Ministarstvo civilnih poslova BiH čini napore u pravcu rješavanja dugogodišnje agonije ove i ostalih šest institucija kulture od značaja za BiH koje čuvaju njeno kulturno naslijeđe.

“U 72 godine postojanja, NUBBiH je preživio granatiranje, paljenje, nehumane uvjete rada, bez redovnih izvora prihoda, ali je opstao za dobrobit svojih korisnika, kulturne i akademske zajednice BiH”, riječi su dr. Ovčine, koji je uputio i riječi zahvale svima koji su došli da “zajedno sačuvamo



Gradska kuća u godinama nakon razaranja

posebnog značaja za državu Bosnu i Hercegovinu i sve njene građane”, kazao je ministar Osmanović, dodajući da “sve dok ne riješimo pitanje pravnog statusa NUB-a BiH, kao i ostalih šest institucija kulture, među kojima je i Zemaljski muzej BiH, ne možemo reći da smo sanirali posljedice svjesnog i namjernog paljenja Vijećnice 25. augusta 1992”.

Nagovještaj

Ministar je na kraju obraćanja izrazio nadu da će u najskorijem periodu nositelji političkih funkcija u BiH pokazati dovoljnu razinu odgovornosti, ne samo političke već opće, civilizacijske, kako bi se otvoreno pitanje NUB-a BiH trajno riješilo i “time pokazati da smo kao društvo dovoljno ozbiljni i odgovorni da zbog nas samih, ali i zbog generacija koje dolaze, zatvorimo po-

Preostaje da riješimo, odnosno potvrdimo pravni status NUB-a BiH kao institucije od posebnog značaja za državu BiH i sve njene građane



U Draču o obavezama iz Trsta

Predsjedavajući Vijeća ministara BiH Denis Zvizdić prisustvovat će danas u Draču neformalnom sastanku premijera zemalja zapadnog Balkana, čiji je domaćin premijer Republike Albanije Edi Rama. Sastanku će prisustvovati i komesar za evropsku politiku susjedstva i pregovore o proširenju Johannes Hahn i potpredsjednik Svjetske banke za Evropu i centralnu Aziju Cyril Muller. Fokus sastanka će biti na pospješivanju provedbe obaveza preuzetih u julu 2017. na Samitu u Trstu, posebno Akcionog plana za produblivanje ekonomske integracije u regionu.



Zahvalnost SAD-u

Stranka za BiH pozdravlja nastojanja SAD-a i ambasadorice Maureen Cormack da pomognu u jačanju pravne države i vladavine prava. Naime, ambasadorica Cormack je izjavila “da joj je veoma drago što je Ustavni sud BiH donio odluku o načinu knjiženja vojne imovine u BiH, te apelovala da svi poštuju odluke svih pravosudnih institucija”. Iz SBiH u saopćenju podsjećaju da se stranka godinama borila za rješavanje pitanja vojne i državne imovine i da je zbog te dugotrajne borbe bila spremna platiti i krupnu političku cijenu.



Kemal Cacan: Ovdje je bio pakao

od zaborava dan kada su ovdje gorjele knjige”.

Među onima koji su došli bio je i ministar civilnih poslova Adil Osmanović, koji je kazao da se neke stvari mogu popraviti, rekonstruirati i kada bi se gledao samo materijalni aspekt obnove Vijećnice, u koju je uloženo oko 23 milijuna maraka, vidi se da se radi o ogromnim sredstvima koja su nestala za nekoliko sati u plamenu zapaljenom od agresorske granate.

“Nažalost, izgorjelu arhivsku građu nije moguće rekonstruisati i značajan dio je izgubljen. Knjiški fond će biti prije ili kasnije obnovljen, zgrada Vijećnice je obnovljena i još nam preostaje da riješimo, odnosno potvrdimo pravni status NUB-a BiH, kao institucije od

glavljke koje je obilježeno paljenjem ove monumentalne zgrade u kojoj se danas nalazimo, a nezin obnovljeni raskošni sjaj bude nagovještaj jedne ljepše i svjetlije budućnosti, kako za ovu instituciju tako i za BiH u cjelini”.

Prisutnima se obratio i Jusuf Pušina, predsjednik Općinskog vijeća Stari Grad, a uručene su i zahvalnice donatorima knjiga Lejli Hrelji, Seadu Mahmutefendiću, Ljubomiru Todoroviću, Jasni Diklić, Zibi Ljutović, kao i posebna zahvalnica za podršku radu NUB-u BiH ministru Osmanoviću, zatim zahvalnice OV-u Stari Grad i načelniku Ibrahimu Hadžibajriću za podršku NUB-u BiH te Omeru Šetiću, šefu Odjeljenja za zaštitu požara Kantonalne uprave CZ-a.

ri, helikopter na remontu



Vatrogasci u Hercegovini posljednjih sedam dana bez predaha / ADNAN DEMIĆ

Vatrogascima u Konjicu pomagale su i kolege iz Vatrogasne jedinice Kantona Sarajevo i Civilne zaštite Konjic

palila vatru kako bi prouzrokovala nove požare, o čemu je odmah obaviještena PU Konjic, nakon čega je na lice mjesta izašla i patrola policije. U općini Jablanica jučer nije bilo aktivnih požara, dok je postojala opasnost prelaska požara iz pravca Čvrnsnice. U općinama Stolac, Neum, Prozor-Rama i Ravno nije bilo aktivnih požara.

Dežure

Stanje na požarištu Čvrnsnice i jučer je bilo jako teško. I jučer je

prijetila opasnost da požar zahvati šumu munike na području Mrkušina gvozda, što je jedno od najvećih staništa ove endemske biljke u BiH. Požar na lokaciji Javorika u Konjicu bio je pod kontrolom vatrogasaca, dok je i dalje gorjelo na lokaciji Donje Selo - Vinište - Gašići, gdje su velike probleme vatrogascima zadavali strm teren i gusta šuma. Također, i dalje je aktivan požar kod mjesta Bačnik u stolačkoj općini, koji srećom nije prijetio kućama i stanovništvu. Vatra se iz Bačnika nepristupačnim terenom jučer širila prema Kruševu, a pripadnici DVD-a Stolac i lokalno stanovništvo danonoćno su nadzirali požarište. I požarište u Dreteglju konstantno je pod nadzorom čapljskih vatrogasaca. Na području HNK-a tokom proteklih 48 sati zabilježeno je još dvadesetak požara koji su ugašeni.

ADNAN DEMIĆ



PDP: Krivi SNSD i HDZ

Partija demokratskog progresa smatra da su SNSD i HDZ najodgovorniji za položaj Srba u Kantonu 10 (Livanjski kanton) u FBiH. U saopštenju iz PDP-a navode da je, kako kažu, licemjerno da predsjednik Republike Srpske Milorad Dodik u Drvaru govori o lošem položaju Srba u Kantonu 10, kada “njegov SNSD sa svojim stratiškim partnerom HDZ-om suvereno vlada ovim kantonom punih 10 godina”. PDP smatra da se Dodik sjeti Srba u FBiH samo kada mu trebaju za skupljanje jeftinih dnevnopolitičkih poena, te ga pitaju šta čini da se popravi položaj i poboljšaju uslovi života Srba u Drvaru, Glamoču i Grahovu.